



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. I. Quibusdam præmissis, referuntur sententiæ,

---

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

malorum providentiam habet, longè tamen diversam; boni enim sub ordine divinae bonitatis & misericordiae continentur, & ad divinæ hæreditatis participationem ordinantur & destinantur: mali vero, præcisè quâ mali, ita continentur intra ambitum divinæ providentie, quod decidentes ab ordine bonitatis & misericordiae, incidunt intra ordinem divinæ justitiae, nec ordinantur in bonum proprium, sed in bonum electorum, & in manifestationem divinæ justitiae, pro cuius explanatione & elucidatione

**44.** Scendum est, totum ambitum divinæ providentie, dupli ordine contineri, ordine scilicet misericordiae & justitiae: ut enim dicitur Psal. 61. *Semel loquutus est Deus, duo haec audiri, quia potestas Dei est, & tibi Domine misericordia.* Quia ergo Deus potentiam haberet, hominem è nihilo prodixit, quia misericors, illum mox ad vitam aeternam ordinavit, sicut ordinatum, suavi gratia sua zephiro & motione, ad bonum semper inclinavit, quoque à benigno illo & gratuito ordine misericordiae decidit per peccatum. Prius itaque exiit intra ordinem misericordiae: ubi autem ab illo decidit per inordinationem peccati, Deus (ut loquitur S. Thomas) inordinationem illam inordinatam non reliquit, mox enim ordinatus est homo peccator ad peccatum, ad manifestandum Dei justitiam, juxta illud ad Roman. 9. *Deus volens offendere iram, & notam facere potentiam suam, sufficiuit in multa patientia vas ira apta in interium &c.* Et quia peccatores per peccatum servi sunt, ac divinæ providentie serviunt, non ut liberi, sed ut servi, ideo sicut opera servorum in familia, ordinantur ad utilitatem filiorum, inferiora ad bonum superiorum, & res omnes corporeæ ad utilitatem hominis, sic & ipsi mali ordinantur in bonum electorum. Hinc Augustinus de agone Christiano cap. 7. *Ex hoc (inquit) admoneamus Domino nostro, quoniam iustus liberaliter servit, injustus autem compeditus servit, omnes tamen divina providentie serviunt; sed alij obediunt tanquam filii, & faciunt cum ea quod bonum est; alij ligantur tanquam servi, & fit de eis quod justum est &c.* Quibus verbis duplex indicat ordinem divinae providentie, unum in quo boni tanquam filii sponte tendunt ad participationem divinae bonitatis, & circa illos nihil exercetur nisi misericordia; alterum in quo mali tanquam servi, & rebelles voluntati Domini, ad penam destinantur, & super illos exercetur divina justitia; & sicut servi non laborant propter se, sed propter filios familie, ita nec ordinantur mali ad bonum aliquod proprium, sed ad bonum aliorum, justorum scilicet. Unde idem Augustinus 11. de Genesi ad litteram cap. 6. de reprobis ait: *Num quia præsciti sunt, ideo creari minimè debuerunt? Habant enim & ipsi locum suum, quem in rebus impleam pro utilitatibus sanctorum.*

**45.** Hujus duplexis ordinis meminit D. Thomas supra quæst. 19. art. 6. ubi hæc habet: *Quod recedere videtur à divina voluntate, secundum unum ordinem, relabitur in ipsam secundum aliud; sicut peccator, qui quantum est in se, recedit à divina voluntate peccando, incidit in ordinem divina voluntatis, dum per ejus iustitiam punitur.* Et quæst. 5. de verit. art. 7. supponens homines ita dirigi à divina providentia & ordinati in finem, quod ipsi seipso dirigant & ordinant ad illum; hoc est ita ipsi provideri, quod & ipsi providerentes sunt, secundum quod ipsi diversimodè se ha-

bent providendo, diversimodè eis providetur à Deo, inquit D. Thomas: *Si enim rectum ordinem in providendo servant, & in eis divina providentia ordinem servat humana dignitati congruum, ut scilicet eis nihil eveniat, quod in eorum bonum non cedat, secundum illud ad Roman. 8. Diligentibus Deum omnia cooperantur in bonum.* Si autem providendo ordinem non servant, quod congruit rationali creature, sed provideant secundum modum brutorum animalium, etiam divina providentia de eis ordinabit secundum ordinem qui broris competit, ut scilicet ea quæ in eis vel bona vel mala sunt, non ordinentur in bonum eorum proprium, sed in bonum aliorum, secundum quod in Psalmi diciuntur: *Homo cùm in honore esset, non intellexit, comparatus est iumentis insipientibus, & similes factus est illis.* Hæc D. Thomas: ex quibus plenissimè solvitur argumentum propotius, & explicatur modus quo mali subduntur divinæ providentie.

## ARTICVLVS II.

*An divina Providentia essentialiter consistat in actu intelle&tus aut voluntatis?*

## §. I.

*Quibusdam premisis, referuntur sententiae.*

**N**otandum primò: quod licet Deus in seipso simplicissimus sit, in eo tamen cum fundamento in re distinguitur plures actus ex parte intellectus & voluntatis, pro varietate objectorum, & modi tendendi in illa; praetelligendo unum alteri, non quod re ipsa aliquis sit prior, vel antecedens, sed quia est fundamentum ut a nobis prius intelligatur; ita ut si per impossibile inter illos esset ponenda distinctione, unus deberet procedere, & esse causa alterius. Sic assertius, intellectum priorem esse voluntate, & intellectum voluntione; & inter ipsos actus intellectus, cognitionem causæ, cognitione effectus, & necessarium liberum: inter actus vero voluntatis, voluntionem vel intentionem finis, voluntione & electione mediorum; & amorem naturalem & necessarium, amore libero.

Notandum secundò, ad providentiam quinque actus concurrent. Primus est voluntio sive intentione finis, hæc enim est quæ moveret ad electionem mediorum. Secundus est cognitione mediorum proportionatorum. Tertius est consilium, seu iudicium eorum. Quartus est electio. Quintus denique est imperium, executio enim jam presupponit providentiam ejus quod executioni mandatur.

E pars prudentia, quæ versatur circa media: de primo actu, qui est voluntio sive intentione finis, non potest esse difficultas, an in illo consistat formaliter ratio providentia: certum est enim, quod ille actus solum se habet antecedenter, quia ex voluntione finis movetur quis ad eligenda media. Certum est etiam, quod providentia, cum sit ratio practica, non consistit in aliquo actu intellectus speculativi, & per consequens ex parte actuum intellectus, solum manet dubium de actibus practicis: quales sunt consilium, iudicium, & imperium. De actibus vero voluntatis, solum est difficultas, an consistat in electione mediorum; His premisis.

Rer. iii

49. Circa propositam difficultatem magna est sententiarum diversitas. Prima tenet providentiam essentialiter consistere in actu voluntatis, quo, supposita volitione efficaci finis, & cognitione mediorum conuentum ad ejus consecutionem, eligit illa, & proponit executioni mandare. Hæc sententia tribuitur Scoto in 1. dist. 40. quæst. 1. D. Bonaventura ibidem art. 1. quæst. 1. Aureolo, Gregorio, & alijs, quos referunt & sequuntur Suarez lib. 1. de essentia prædestinationis cap. 27. & Vazquez h̄c disp. 37. cap. 3.

Secunda sententia est quorundam Recentiorum, dicentium providentiam utrumque auctum, tam intellectus, quam voluntatis, formaliter includere.

Tertia docet illam esse auctum judicij antecedentem electionem mediorum. Ita Durandus in 1. dist. 39. quæst. 3. Molina in præsenti disp. 1. & quæst. 23. art. 1. disp. 2. Lessius, Arrubal, aliique Recentiores.

Ultima denique sententia, qua est D. Thomæ h̄c art. 1. & quæst. sequenti art. 2. omnium Discipulorum ejus, assertit providentiam formaliter & in recto consistere in actu intellectus practici, qui dicitur *imperium*, sequiturque ad intentionem finis, & electionem mediorum.

### §. II.

*Reiiciuntur tres prima sententia, & quarta statuitur.*

Dico primò, providentiam non consistere essentialiter in actu voluntatis, sed intellectus; licet actu voluntatis connoget, & presupponat. Ita D. Thomas h̄c art. 1. ad 3. ubi dicit: *Providentia est in intellectu, presupponit tamen voluntatem finis.*

50. Probatur primò conclusio ex SS. Patribus. Nam D. Dionysius de divinis nominibus cap. 2. art. *Deitas prospicit cuncta, providentia mirabilis.* Sed prospicere est actus intellectus: Ergo & providentia. Item Boëtius lib. 4. consol. prosa 6. *Modus*, inquit, *rerum, cum ipsa divina intelligentia puritate conspicitur, providentia nominatur.* Et paulo inferius: *Providentia est ipsa divina ratio, in summo Principe constituta, qua omnia disponit.* Idem docet Augustinus lib. 83. quæstionum, quæst. 31.

51. Probatur secundò ratione. Providentia est pars prudentiae, ut docet S. Thomas h̄c art. 1. & 2. 2. quæst. 49. art. 6. Sed prudentia est formaliter in intellectu, est enim virtus intellectualis, ut patet ex Aristotele 3. Ethic. cap. 6. ubi numerat quinque virtutes intellectuales: scilicet intellectum, sapientiam, scientiam, prudentiam, & artem: Ergo providentia non consistit formaliter in actu voluntatis.

52. Probatur tertio: Providentia, ut docet S. Thomas h̄c art. 1. & constat ex definitione Boëtii super traddita, est ordinatio rerum in finem: Sed ordinatio unius ad alterum, proprium est opus intellectus, ut ostendit Cajetanus 1. 2. quæst. 17. art. 1. & pater, nam est quædam unius cum altero collatio, qua à solo intellectu fieri potest, unde Aristoteles 2. Metaph. cap. 2. dicit, *Sapiens est ordinare:* Ergo providentia non consistit essentialiter in actu voluntatis, sed intellectus. Quod potest confirmari ex ipsa Ethimologia nominis: providere enim, ut docet Boëtius, idem est ac procul videre qua sunt facienda: Sed videre intellectus est, & non voluntatis: Ergo & providentia. Vide

Lib. 5.  
de con-  
futat.

A D. Thomam 2. 2. quæst. 45. art. 6.

Dico secundò: Providentia non importat ex aequo actum intellectus & voluntatis.

Probarur primò ex D. Thoma quæst. 5. de verit. art. 1. dicente, *Providentia includit & scientiam & voluntatem, sed tamen essentialiter in cognitione manet, non quidem speculativa, sed practica.*

Probatur secundò: Providentia, ut suprà dicebamus, est pars prudentiae: Sed prudentia, est necessario actu voluntatis supponat, adquætatem in actu intellectus consistit: Ergo & providentia.

Probatur tertio: Providentia consistit essentialiter in actu imperij, ordinante creaturas in finem, ut ostendemus conclusione sequenti: Sed actus imperij est eliciti ab intellectu, licet presupponat electionem voluntatis, eamque connotet, ut docet D. Thomas 1. 2. quæst. 17. art. 1. & sequentibus: Ergo & providentia.

Addunt aliqui cum Gonzale h̄c, quod cum providentia sit unicum simplex attributum in Deo, non potest importare in resto actu diversarum potentiarum, sed solum unum in recto, & alium in obliquo & de connotato. Sed hæc ratio non placet, quia, ut inquit D. Thomas h̄c art. 1. ad 3. *Si providentia ex aequali respiceret voluntatem & intellectum, hoc esset absque detrimento divina simplicitatis, cum voluntas & intellectus in Deo sint idem.*

Dico tertio, providentiam non consistere formaliter in actu judicij antecedente electionem, sed in actu imperij, qui ad illam subsequitur.

Probatur primò conclusio ratione fundamentali. Providentia, ut suprà dicebamus, est principalis pars prudentiae: Sed actus principalis prudentiae est imperium, ut docet Aristoteles 6. Ethic. cap. 9. dicens, *Prudentia præceptiva est, finis enim ipsius est, quodnam sit agendum aut non agendum præcipere.* Ergo providentia in actu imperij essentialiter consistit. Unde D. Thomas h̄c art. 1. ad 1. *Præcipere de ordinandi in finem quorum rectam rationem habet, competit Deo: secundum illud Psalmi, præcepit posuit & non præteribit, & secundum hoc competit Deo ratio providentia.*

Dices, imperium non distingui realiter in nobis, nec proinde virtualiter in Deo, à judicio practico, sed esse ipsum judicium antecedens electionem, ut per illam confirmatum, seu ut virtualiter in ea perseverans.

Sed contra: Aristoteles 6. Ethic. cap. 12. & D. Thomas 1. 2. quæst. 57. art. 6. & 2. 2. quæst. 51. art. 2. docent quod licet judicium pertineat ad partem prudentiae antecedentis, & dicitur judicativa, distinguuntur ab imperio, quod magis essentialiter & formaliter est actus prudentiae. Unde D. Thomas 1. 2. quæst. 17. art. 3. ad 1. *Post determinationem consilij qua est judicium rationis, voluntas eligit, & post electionem, ratio imperat ei per quod agendum est quod eligitur, & tunc demum voluntas aliquis incipit uti, exequendo imperium rationis.* Quibus verbis aperte docet, imperium esse actu in nobis realiter distinctum a judicio antecedente electionem, & ad eam subsequi. Ratio etiam id suadet: Nam illi actus, judicium scilicet & imperium, pertinent ad distinctas species in genere motis, & opponuntur distinctis vitiis & peccatis: Ergo sunt diversi actus. Consequenter patet, Antecedens probatur. Nam judicium pertinet ad virtutem judicativam, cui opponitur inconsideratio, & ignorantia: imperium vero ad